



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. De Presbyteris gravium criminum reis magna olim quæstio fuit quonam modo judicandi essent. Consulitur Leo III. Papa. Dein Karolus summo jure decernit secundùm responcionem Pontificis. Purgatio ...

urn:nbn:de:hbz:466:1-15617

catum, Hispania erat, si loca quædam excipias admodum vicina ora fluminis, Monasteriolum videlicet, Minorissam, & quædam alia finitima; citra verò, Mæra Hispanica, quæ provincia erat regni Francici. In eodem confinio Hispaniaz, citra Rubricatum, sita fuit Egara, sedes olim episcopal; ubi habitum fuit Concilium Egarense anno sexcentesimo decimo quarto.

ELEFANTUS] Ejus mentio est in canone viii. Concilij Francofordiensis.

H E L T N E S I S] id est, Helenensis, hoc enim verum est nomen. Est autem civitas Helenensis in Comitatu Ruscinonensi, five Rossillionensi, ut sequens ætas vocavit, ædificata in ruderibus castri Helenensis; ubi institutus est episcopatus post excusum regnum Tolosanum, ut adnotat illustrissimus Archiepiscopus in libro primo Marce Hispanice, de quo libro dictum est in vita ejus. Porro hodie vox *Helenensis* mutata est in *Elensem*. Quod autem ea Ecclesia sita esset in Comitatu Rossillionensi, Episcopi Helenenses frequentissime vocantur *Rossilliones* in aëcis veteribus. Vnde in Concilio apud Tusiacum anno D C C L X , legitur *Audefindus Rossillionis Episcopus*. At Venedurij, seu Vuinedurij, mentio diserta extat in Chartulario Helenensi, ubi leví mutatione vocatur *Vinedarius*; diciturque sedisse ante Ramnonem, qui sub Ludovico Pio Helenensis antistes fuit. Utilis autem esse potest hic locus ad emendandos vulgatos Helenensem Episcoporum catalogos, cum Episcopi qui federunt post Vinedurium usque ad Audefindum illuc optimè recensenti sunt: *Predecessores Audefindo Episcopo, videlicet Vinedario Episcopo, Ramno Episcopo, Salomone Episcopo, & isto presente Audefindo &c. Facia recognitione evacuationis sub die xvi. Kal. Ianuarii, anno XXXVI. regnante Carolo Rege, id est, Karolo Calvo.*

C I M E L A N E S I S] id est, Cemelenensis, in extrema Alpium maritimarum provincia, sub metropoli Ebredunensi, haud procul Castro Nicensi. Ei sedi præfuit Valerianus Episcopus; cuius tempore Ecclesia Cemelenensis & Nicensi unita sunt auctoritate sancti Leonis Papæ.

M A D O L O N E S I S] id est, Magalonensis in prima Narbonensi. Magalona enim & Madalona dicebatur per illas tempestates, ut nullo negotio probari potest. Porro sedes Magalonensis jamdiu transflata est in urbem Montpeliensem.

V I C U I L I E N S I S] id est, Aturium Episcopus. Sunt autem Aturres in Novempopolis ad Aturum fluvium, qui postea Adures dici cœperunt. Nomen autem primùm populi fuit, non oppidi. Oppidi enim Aturrensium nomen *Vicus Julius*; cuius clara extant documenta.

C O M M E N S E A] id est, Convenarum in Novempolis, quorum urbs antiquitus Lugdunum. Ceterum ex hoc loco paret introduci tum cœptam corruptionem nominis hujus civitatis, quæ nunc *Commenze* dicitur.

D U N E S I S] Adnotat Sitmonius, in Notis ad Concilium Aurelianense primum, Episcopos Carnotenses interdum dictos esse Dunenses à Duno castro dicceños Carnotenz. Vide librum ii. de concordia sacerdotij & imperij cap. ix. §. v.

E G L I N E S I S] id est, Engolismenium in Aquitania secunda. Eam autem urbem vocat *Egolismam* Eginhartus ad annum D C L X I X . alij *Egolismam*, nonnulli *Inculismam*, & synodus istinc

Narbonensis *Eglinam*. Mitifica enim fuit illorum temporum audacia in corrumpendis urbium nominibus. Vide Sitmonium in Notis ad Capitula Karoli Calvi pag. 29.

C A P V T XXVI.

Synopsis.

I. Reverentia Ecclesie Gallicana erga apostolicam sedem.

II. De Presbyteris gravium criminum reis magis olim quæsto fuit quoniam modo iudicandi existent. Consultur Leo III. Papa. Dein Karoli summō iure decernit secundum responsum Pontificis. Purgatio canonica iudicata Presbyteris suspectis sed non convictis.

III. Vnde oriuntur suspicções ille docet Hincmarus. Difficilis erat accusatio in Presbyterum.

IV. Choropscoporum ambitio diu turbauit Ecclesiam Gallicanam. Eos Leo III. à Karolo consultus vetuit quicquam munieris episcopalis attingere. Tum edidit eos esse pellendos in exilium.

V. Ea pena modificata est à synodo & ab Imperatore.

VI. Principes de rebus arduis referunt ad Summos Pontifices. Novum non est decreta Curia Romana ante in Gallia excusi debere quam vim legis obtinere possint.

I. **H**ic locus me admonet ut revocem in memoriam ea quæ suprà adnotata sunt, synodos nimurum Gallicanas debitam sedi apostolicæ reverentiam semper retinuisse, non ita tamen ut à suis judicis permiserint provocari, cum appellations in usum receptæ non essent nisi quod de positionem Episcoporum, juxta modificationem à me alibi explicatam. Reverentia igitur synodorum Galliæ in eo posita erat ut consultationes ad Summos Pontifices mitterent quoties incidenter causæ dubiae & graves, vel causam ejus iudicio prorsus permetterent. Causæ ad sedem apostolicam dimissæ exemplum extat in paragrapho ultimo superioris capituli, in causa Metropolitanorum Ebredunensis & Aquensis. Consultationum verò duo illustria exempla extant in libris Capitularium. Primum respicit Presbyteros suspectos, aliud Choropscopos.

II. Quoad Presbyteros, constat ex Capitularibus difficultatem illam diu agitatem esse in synodis Gallicanis, à temporibus Pippini Regis, neque tamen unquam fuisse definitam. Agebatur de Presbyteris gravium criminum reis, sed de quibus nondum satis constabat, ipsi vero negabant. Suprà adnotavimus, canone XXXIX. Concilij Francofordiensis causam Presbyteri horum criminum infamati commissam esse Episcopo ejus proprio; vel si is eam finire

non posset, non remissam quidem ad synodum provinciae, sed ad Concilium generale seu universale Ecclesiae Gallicanæ. Tandem Carolus magnus cupiens confusione hujuscemodi modum adhibere, Episcopos aliquot misit ad Leonem tertium Papam, ut cum eo consultarente quid de his Presbyteris agendum esset. Episcopos vero & regni proceres admonuit missam a se esse legationem illam, statim autem ut redierit, communicaturum se esse cum omnibus responsa Pontificis: *Vnde ad consultandum patrem nostrum Leonom Papam Sacerdotes nostros mittimus; & quidquid ab eo vel a suis perceperimus, vobis, una cum illis quos mittimus, renuntiare non tardabimus.* Interim Episcopos & proceres hortatur ut sedulò negotium illud expendant; ut dein ipse cum illis, & cum instructionibus Pontificis, decernere possit quod aequum fuerit visum ad compescendos populum clamores: *Vos interdum vicissim tractate attentius quid ex his vobiscum constitutamus unde cum predicti sancti patris institutionibus, ut murmur cesseret populi.* At Leo Pontifex causam definiri jussit in synodo Romana. Cum autem ejus responsio ad Carolum allata esset, eam ipse in conventu generali regni considerari praecipit; & cum consilio Episcoporum, Consiliariorum, & omnium fidelium, sive Vallalorum, decreta est constitutio de ordine tenendo quoties hujuscemodi Presbyterorum causæ incidenter; qua nomine Imperatoris edita, omnium suprà dictorum consensu continet. *Consulit Domini & patris nostri Leonis Apostolici, ceterumque Romane Ecclesie Episcoporum, & reliquorum Sacerdotum, sive Orientalium & Græcorum Patriarcharum, & mulierum sanctorum Episcoporum & Sacerdotum, necnon & nostrorum Episcoporum omnium, ceterumque Sacerdotum & Levitarum auctoritate & consensi, atque reliquorum fidelium & cunctorum Consiliariorum nostrorum consultu, definitum est.* Sanè Princeps Legatos suos pro consultatione ad Leonem mittens, sibi referaverat auctoritatem decernendi cum sententia Concilij Gallicani, & cum institutionibus Papæ, non autem juxta institutiones. Statutum itaque est *consulto omnium ut quotiescunque cuiquam sacerdoti crimen imponitur, si ipse accusator talis fuerit ut recipi debeat, reuile que legitimis testimonii convictus fuerit, canonice dyadicetur.* At si accusator satis probare non posset crimen, negotium pariter canonice definiendum. Quod si nihilominus criminis perpetrati suspicio gravis inhaereret animis hominum, purgatio canonica indicitur Presbytero; id est, jubetur Presbyter, exhibito tactis Evangelii sacramento tam suo quam trium, quinque, vel

septem, aut eò amplius Presbyterorum, itemque hominum nonnullorum bona fama, se purgatum populo comprobare, *exempli Leonis Pape.*

Vide lib. I. c. II.
§. 6.

III. Hincmarus in epistola septima accuratè explicat hunc agendi modum, ostenditque suspicione illas fluxisse ex commercio Presbyterorum cum mulieribus probrofis, vel ex eorundem cohabitatione cum aliis, neque impositam fuisset accusatori necessitatem convincendi reum cujuspiam probrofis facinoris. Attamen probatio difficultis erat; quoniam accusatio peragi non poterat ab accusatore qui eodem tempore septem testes adfessit iis dotibus ornati quas ab hujuscemodi testibus exigunt leges & canones. Quod si præscriptus testimoniū numerus non adfessit, vel hujuscemodi homines essent qui secundum canones ad accusationem Sacerdotum admitti non possent, multa eis dicebatur. Verum id non tollebat suspicionem populorum. Itaque ea demum dimovebatur quum Presbyter accusatus se suo & sex Presbyterorum sacramento purgabat juxta consuetudinem tum receptam. Ea autem à divo Petro arcessebatur: qui cum reprehensus fuisset quod cum gentibus communicaret, ut accusationem illam purgareret, usus est sex fratrū testimonio: *Venerunt autem mecum & sex fratres isti.*

Auct. cap. xi.

IV. Veniendum nunc ad causam Choræ Episcoporum. Sæpe in conventibus & synodis regni controversum fuerat an ordinaciones Presbyterorum, Diaconorum, & Subdiaconorum à Choræ Episcopis peractæ, Confirmationes baptizatis tributa, benedictiones Chrismatis, Ecclesiarum, & virginum ab iis tentatae, virtuosæ essent, an canonicae. Carolus censuit apostolicam fidem esse consulendam, & inter cetera Arnonis Archiepiscopi ad Leonem tertium delegati mandata hoc etiam caput adjunxit. Respondit Pontifex, secundum canones liberum non esse Choræ Episcopis ullam muneris episcopalis partem attingere, atque adeo quidquid ab eis præsumptum fuerat, irritum esse. Tum decernit Choræ Episcopos esse damnundos, id est, deponendos, & in exilium pellendos. Series hujus negotij, itemque illius de quo mox dicebamus circa Presbyteros, magni momenti est ad ostendendum quoniam modo se gererent Galli nostri in recipiendis rescriptis Curia Romanae. Nam post redditum Arnoni, Imperator conventum generalem regni Ratisbonæ egit, ut Leonis responsio examinaretur.

V. Hic autem agendi modus adeo legitimus erat ut etiam Leo consenserit synodus ea de causa celebrari, non ut illic re-

Vide lib. I. c. 12.
§. 7. & c. 13. & 14.
& Habram lib.
rium de Choræ
Episcopis editum in
calce Tomi primi
pag. 283.

L iij